

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Commemorationibus, & Suffragijs Sanctorum communibus. XVIII.

urn:nbn:de:hbz:466:1-40233

10 Totus dies Feriarum maiorum & Vigiliarum, si non sequatur Officium de Festo, humiliationis dies est: quare ad Vespertas dicuntur Preces ferales, licet Oratio non sit de Feria Quatuor Temporum, nec de Vigilia: quod accidere potest eo anno quo Festum sancti Mathiae occurrit in Feria quarta Cinerum, cuius gratia transfertur Officium in Feriam quintam Cinerum sequentem.

11 Quod attinet ad Confessionem, quæ fit in Officio ad Primam, & Completorium; primò signum Crucis adhibetur ad *Adiutorium*, vt in Rub. de Prima 15. num. 2. sumpto ritu congruo ex Missali: nam per Crucem remissio facta est peccatorum. Confessio vero fit, vt quidquid in nocte vel die peccauimus, puniamus, Gemma lib. 2. cap. 64.

12 Quando quis recitat solus, omittere debet *vobis fratres*, &c. semelque recitans *Confiteor*, debet addere in plurali quæ sequuntur, *Misereatur nostri, peccatis nostris, perducat nos;* sicuti fit in Oratione Dominicæ ita in Rubrica citata de Prima. Ex quo sequitur, quod recitantes duo Officium simul nihil debent mutare in textu Breuiarij; sed, qui maior est, dicat, *vobis fratres, vos fratre;* qui minor, *tibi Pater, &c., te Pater*, sicuti dicunt inuicem, *Dominus vobiscum, Et cum spiritu tuo.* Neque Moniales mutare debent in verba, *Mater, Matrem, Sorores*, sed eodem modo loqui nomine Ecclesiæ ac si essent viri, ex Decreto sacrae Rituum Congregationis die decima octana Augusti 1629. alterna vero Confessione mundamur, inquit Hugo in Spec. capit. 3.

De Commemorationibus, & Suffragijs Sanctorum communibus. CAP. XVIII.

1 **R** Adulph. *Propos. 14.* appellat Memorias, quas hoc loco dicimus *Commemorations communes.* Suffragia Sanctorum vocat Gemma *lib. 3. cap. 45.* vbi tradit, ea diei in Dominicis & Festis Sanctorum. Meminit Micrologus *cap. 44.* & de Cruce nominatim *cap. 30.* de sancta Maria, & de Apostolis *cap. 44.* qui omnes sunt Patroni totius Ecclesiæ, ait Duran. *lib. 6. cap. 60.*

2 Miror, cur de Cruce, à qua pendet nostra salus, nonnisi fiat in feriali Officio? An quia Festa excludunt omnium cruciatuum imaginem ac memoriam? An feriali diei conuenit labor, Crucis & patientiæ meditatio? nam tempore Paschali fit de Cruce commemoratio, ad victoriæ eiusdem Crucis recoledam, à qua Resurrectio ortum habuit; cuius Oratio Paschalis est Ambrosiana in Mediolanensi Missali in Feria sexta Parasceues. Micrologo non placet commemoratio de Cruce ab Epiphania ad Purificationem; ergo erat in vsu, vt hodie: minùs tamen rectè sentiebat ille.

3 De sancta Maria non sit, neque in propria Ecclesia, quando dicitur eiusdem Officium parvum in Choro; de quo nos *Sectione ultima:* nec quandocumque Officium de die fit de ea. neque enim de eodem fieri debet Officium & commemoratione simul. Qui vero priuatim recitat Officium B. Virginis parvum, debet in Officio de die facere commemorationem de B. Virgine ac si illud non recitaret; nisi reciteret ratione Chori. Nihil autem refert,

N si di-

si diuidatur Officium B. Virginis ab Officio diei, puta, quia illud vesperi, hoc manè recitetur in Choro; quia ibidem utrumque dicitur, & vnum in ordine ad aliud.

4 Non separatur Petrus à Paulo, nec in vita, nec in morte; nec in Festis, neque in hac communi commemoratione, ait Duran. lib. 5. cap. 2.

5 De pace sit ultimo loco commemorationis; quia, qui pacem dedit, omnia bona uno verbo dedit, ait Glossa. & ultimum, quod expectamus à Deo, est pax æterna, pro qua oramus, obsecramus Deum per Dominum nostrum Iesum Christum.

6 De Patrono principali loci, & de Titulari Ecclesiæ hæc sunt notanda: Primo, eum esse Patronum loci, qui Maiorum auctoritate, & communi sensu populi recolitur ut Patronus: quia de re nos egimus supra Sect. 3. c. 12. nn. 1. pag. 44. Titularis autem Ecclesiæ ille est, à quo denominatur Ecclesia.

7 Deinde, pro dignitate Patroni vel Titularis Ecclesiæ, ante vel post sanctam Mariam & Apostolos, vel inter eosdem facienda est commemorationis; hoc est, de Titulo Trinitatis, Spiritus sancti, Corporis Christi, ante sanctam Mariam: de Saluatoris Titulo non sit, quando de Cruce fiat, quæ æquipollent. De Angelis, & de S. Ioanne Baptista, ante Apostolos, de Sanctis veteris Testamenti post Apostolos, licet in Litanij ordine temporis præcedant. De sancto, Patrono loci, ante Titularem Ecclesiæ, regulariter loquendo, nisi sit valde magna inter hos dignitatis distantia: quia in Rubricis præponitur Patronus Titulari, tit. 1. de Duplici num. 1. tit. 7. de Octauis num. 1. 3. 4. tit. 9. de Commemor. num. 3. tit. 35. de Commem. communibus num. 1. & in

Tabellis septies, licet titulo 4. de Dominicis num. 1. & tit. 9. de Commemorationibus num. 11. præferatur Titularis Patrono. sed in his duobus locis non attenditur ordo ex professo, alioquin Dedicatio Ecclesiæ inferior esset Patrono, quæ post eum in tit. 4. nn. 1. recensetur. Patronus principalis Ordinis æquiparatur Patrono loci, ut supradiximus in cap. de Patrono Sect. 3. cap. 12. nn. 24. pag. 49. Primum vero locum, ante quamcumque de Christo Domino commemorationem, ratione Tituli, in feriali Officio semper habet commemorationis de Cruce, ut expresse habetur tit. 35. nn. 1. in fine, quia Feria indicium est; ultimum, commemorationis de Pace, ibidem. Quod si de Cruce, tamquam de Titulo Ecclesiæ, facienda sit commemorationis, sufficit prædicta, quæ sit ante alias, ex Decr. S. Rit. Congreg. die 30. Marty 1621. & eodem modo sufficit commemorationis de S. Francisco apud eos Ordinis Minorum, quorum Ecclesiæ Titulus est lacrorum Stigmatum eiusdem.

8 Dices: Cur de Cruce primo loco fit, etiam ante S. Trinitatem, cum tamen in Rubr. Missalis de Commem. tit. 7. nn. 5. Votiva de Cruce cedat Votiva de Trinitate? Respondeo, in Misla rationem haberi dignitatis Votuarum, in Officio rationem ferialitatis, quæ non habet congruum locum in medio Suffragiorum non semper ferialium, quippe quæ locum etiam habent in Semiduplicibus. indicium enim est Feriae, ut dixi, commemorationis de Cruce.

9 Quæres adhuc, An in Ecclesia Omnium Sanctorum nomine dicata fieri debeat commemorationis de B. Virgine, & de Apostolis, & quo ordine. Respondeo, non esse omittenda Suffragia specialia pro generalibus, sicuti infra

fra Octauam Omnim Sanctorum fit etiam de S. Carolo, SS. Vitale & Agricola, & alijs. Deinde assigno locum commemorationis Tituli Omniū Sanctorum post Apostolos, vti fit in Officio paruo B. Virginis, *Protege, &c. &c.* *Omnis sancti tui, &c.* neque incongruit de eodem bis fieri mentionem, semel aperte, semel latenter, vt ducimus *Tomo 1. de Sexagesima pag. 235. n. 15.* & præterea commemoratione Omnim Sanctorum eo casu potest intelligi de alijs omnibus non expressis inter Suffragia Sanctorum communia.

10 Oratio de Patrono, seu Titulari, sumitur à die Feste eorumdem (non à Vigilia, neque à die Octaua, vt gratis quidam dicunt) mutato verbo Nativitatem, Natalitiam, vel aliud simile, in Commemorationē: quæ si minus congruit, sumatur alia de Communi. In Collecta S. Leonis II. pro Commemorationis Festa, lego Commemorationem: in Collecta SS. Dionysij, & Sociorum, tace, hodierna die: in Collecta S. Apollinaris, tace hunc. Nec est incongruum dicere, præsentem diem honorabilem in B. Ioannis commemoratione; neque, qui venerandam sanctamque latitudinem in B. Bartholomai commemoratione, & his similia: quia non enuntiantur falsa; & commemoratione Patroni, seu Titularis, est quasi repetitio Festi per annū. Adeo cū Suar. de Sacr. Missæ q. 83. art. 2. dīsp. 80. seīt. 4. referri quādoque præsentia ad præterita: vnde circa meridiem celebrantes dicimus in prima Missa Natalis Domini, *Hanc noctem.*

11 Quæritur hoc loco: An, qui plures habet beneficiorum & Ecclesiistarum Titulos, teneatur in Officio totidem commemorationes facere. Respondeo primò: Si Tituli sunt de eodem, puta de S. Maria, licet diuersa

sint Titulorum Festa, sufficit commemoratione communis, *S. Maria, &c. &c.* & sic de alijs. Si Tituli diuersi sunt Sanctorum, poterit fieri altero ex duobus modis: vel distinguantur classes Sanctorum in Apostolos, Martyres, Confessores, Virgines, ita vt unaquæque classis recolatur cum propria Antiphona, Versu, & Oratione, in qua iij nominentur, quorum Tituli sunt beneficiorum: vel de Maiorum licentia, formetur Antiphona cum suo Versu & Oratione, quæ conueniat omnibus; non exprimendo Titulos Martyrij, seu Virginitatis, & eiusmodi, ne fiat mendacium in Oratione. Habes exempla in Breuiario, in Feste SS. Nazarij, & Celsi, &c. in quorum Oratione non dicitur *Martyrum*, quia Innocentius, de quo ibidem, non fuit martyr, & in Feste SS. Alexandri, Euentij, Theoduli & Iuuenalis idem fit, quia non fuit martyr Iuuenalis.

12 Atque omissio hæc multarum commemorationum facilè lethalis erit, & sufficiens ad grauem materiam peccati mortalis constituendam, vt in simili probat Sanchez in Oper. mor. lib. 1. cap. 5. num. 16. imò & ad ratam restitutionis fructuum facienda teneri Beneficiarium in hoc casu, expressè docet Bonac. diss. 1. quæst. 1. pun. 4. num. 28. sed rigorosa nimis est hæc doctrina.

13 Regulares autem debent facere commemorationem de eo Titulari, cuius Ecclesiæ sunt adscripti, & quamdiu sunt adscripti, etiam extra Chorum: eadem enim est ratio ac in beneficiato; cùm uterque alatur Ecclesiæ propriæ emolumentis.

14 Quid agendum erit in Officio Vigiliae Patrōni, seu Titularis Eccle-

six, qui Vigiliam habet in Breuiario? An in Laudibus cum alijs Suffragijs facienda erit de more commemoratione Patroni, seu Titularis & omittendam puto in hoc casu, sumpto argumento à simili allato suprà n^m. 3 de Officio sanctæ Mariæ, quod excludit communem hanc commemorationem de eadem; ne scilicet de eodem bis fiat in eadem parte Officij. Eadem ratio militat in Semiduplici Festo Inventionis, Translationis, & similium, illius, qui Patronus est loci, seu Titularis Ecclesiæ.

15 Cedunt hæ communes commemorationes commemorationi Festi Simplicis eo die occurrentis; quia Festi commemoratione priuilegiata est titulo festivo supra communem aliorum commemorationem: ideoque communes dictæ fuerunt, vt cedant priorēm locum festiuī.

16 Fiunt igitur ad recolenda Sanctorum merita, & ad imperrandum sacerdotiū eorum patrocinium, Duran. lib. 6. cap. 60.

17 Omittuntur autem initio Adventus, ex Microl. loco cit. vt in Adventu Principis cedant serui, Duran. lib. 6. cap. 2. item tempore Passionis, vt vni Christo crucifixo vacemus, idem lib. 6. cap. 60. & usque ad Octauam Pentecostes, ibidem. tum in Duplicibus, & infra Octauas, ea ratione, qua in Festis maioribus excludimus Sanctorum simplicium commemorationes, ad maiorem tum temporis Paschalis tum Festorum celebritatem. Item in Dominicis priuilegiatis, in quibus de die Octaua occurrente fit tantum commemoratio, ex Ruiz in suo Cærimonial. Rom. ratione Octauæ.

18 Pius V. mutauit Antiphonam pro suffragio beatæ Virginis in ple-

niorem, quæ est sancti Augustini Sermonc 18. de Sanctis, nimurum, Sancta Maria, succurre miseris, &c.

De Hymno Te Deum.

C A P. X I X.

Hymnus *Te Deum* à SS. Ambrosio & Augustino compo- situs fuisse dicitur, quando S. Augustinus baptizatus fuit, anno 388. vt scribit S. Dacius Episc. Mediolanen. lib. 1. cap. 10. Chronicus: quod tamen Chronicum non est Dacianum, si eruditioribus est credendum Mediolanensibus; qui etiam melius censem, totum Hymnum vni Ambrosio deberi, cum ille Dialogismo careat. In Breuiario M. S. Collegij Aniciani de Urbe antiquissimo legi pro titulo, *Hymnus S. Abundij*: de quo peritiiores consului, qui tamen adhuc ignorant, quis ille possit esse. Gelasius autem decantari decreuit, ex Benzon. in *Magnif. lib. 1. cap. 19.* & S. Benedictus in *Regula cantarii* usit post tertium Nocturnum; quo significanter tempus gratiae, quasi Christum hoc tempore inuenierimus, exclamamus, *Te Deum laudamus*; vt meditatur Hugo lib. 2. de Offic. cap. 9.

2 Dicebatur Romæ in Festis Pontificum tantum tempore Amalarij, vt ipse scribit in *Prologo de Ordine Antiphonarum* in Dominicis & Festis nouem Letcionum, ait Micrologus cap. 46.

3 Non in profestis dicendum est, ait Innoc. III. de Celeb. Miss. cap. Consilium. quod explicat Radulph. *Propos. 13.* etiam de Festis Simplicibus. & *Propositione 16.* probat, quod non deberet dici, neque etiam tempore Paschali, neque infra Octauas. Ex quo infero, tunc temporis etiam in his diebus